

醫統三脈全書

類證活人書序

天以陰陽五行化生萬物氣以成形人爲萬物之靈
稟天地之氣以生賴天地之氣以養然而寒暑異時
朝夕異令氣有不和中之輒病雖賢愚貴賤調攝不
同而稍不及防均莫能免所以聖人不忍民之殍瘠
明天人合一之理備設醫藥以衛民命予雖不知醫
竊有見於此常恃爲金湯焉吾郡林慕莪先生究心
醫學四十餘年悟內經至理而貫通諸家得其要領
嘗言隋唐以來名家雖多皆各具已見以立言而能

接軒岐仲景之道脈者惟林君徧覽諸家參差駁雜
之論十餘年未得其緒後讀孫氏書批卻導竅頓悟
指歸於是再觀內經仲景之書了然心目如撥雲霧
而見青天焉今先生詳述仲景本旨申明理法證以
內經難經之言而無一句臆說於中溫暑等篇尤發
其精蘊皆古來所未及爲學之津梁不獨有功軒岐
仲景尤爲活人之書也分門別類次酌加減瞭如指
掌分作二十二卷是爲類證活人之書也其於醫道
豈小補哉故攬其切於時用者先付剞劂以當夏日

之扇冬夜之爐殆人人所必需者也用綴數言於簡
以俟明哲鑒諸

紹興元年甲戌仲秋朱元裕序

類證活人書目錄

閩間無求子林慕義山人著述

卷一

中風

卷二

中寒

中暑

卷三

濕門

燥門

卷四

火門

卷五

氣門

卷六

血門

卷七

痰飲

鬱門

發熱

惡寒

卷八

冒風

咳嗽

喘門

卷九

內傷

癰疽

卷十

痢門

卷十一

疽門

水腫

膨脹

卷十二

積聚

卷十三

脾胃

泄瀉

傷食

霍亂

卷十四

嘔吐噦

番胃

噎膈

卷十五

痞滿

惡心

中酸

嘈雜

呃門

噯氣

頭痛

頭風

眩暈

卷十六

心胃痛

腹痛

脇痛

卷十七

腰痛

疝氣

脚氣

卷十八

痛風

斑疹

癘風

腸風

脫肛

卷十九

癰症

癩症

怔忡

卷二十

淋濁

瘰癧

痿門

卷二十一

厥門

痺門

虛損

卷二十二

癰瘰

三消

汗門

遺滑

類證活人書卷一

江陰朱氏校刊本

無求子著

中風門

中腑之脉

脉來緩滑或浮滑或滑數有神者易治若

弦滑或浮數或洪大者難治總屬有餘當以緩法瀉之如兩尺不應寸關搏大而弦急者不治

中腑實症之脉

浮弦無力爲風浮滑不清爲痰浮數

有力爲火沉弦有力爲氣沉實有力爲便結沉瀯而

數爲血凝

中腑實症 口眼喎斜言語或清而蹇澁氣塞痰凝心
境或明而恍惚或左癱右瘓或四肢無恙惟麻木而
舉動艱難大便燥結胸膈痞滿口角流涎面色或紅
或青或白或有汗或無汗

中腑實症治法初起之日胸中痰盛者先以稀涎散吐
去其痰稍寬不可復吐隨以清熱順氣消痰之劑踈
利表邪如大便秘至三五日者竟以下劑利之如標
病漸緩七日之後以平劑和之三七之後全體相安
以補劑調之

稀涎散 中風初起痰涎潮湧牙關緊閉湯藥難進者

用此探吐風痰疎通喉嚨吐中自有疎散之義也

明礬

枯礬 各一錢

牙皂 炙黃去皮二錢

右三味研細末每服一二錢白滾湯調服探吐浮

痰則已不宜多吐

中腑實症治標主方

天麻

三錢

半夏

製二錢

廣橘紅

一錢五分

防風

枳實

各一錢

膽星

黃芩

各五分

甘草

二分

煎十分加姜汁五匙竹瀝十匙不拘早晚日服二

劑天麻爲平肝省風清痰定暈之聖藥故爲君半
夏豁痰爲臣佐胆星以清之橘紅順氣清痰佐枳
實以利之防風之辛疎風解表黃芩之苦瀉熱和
肝以羣藥辛散用甘草和之熱甚加川連犀角各
五分 關節痛而惡風者加防風羌活各一錢

此方順氣消痰省風清熱不拘氣虛血虛可以先
服急治其標卽爲瀉耳 如大便久秘腸胃不

和面紅煩渴重則潤下丸輕則滾痰丸下之

潤下丸

六腑結熱腸胃不通壯熱內盛煩躁不寧燥

渴引飲或傷寒熱毒傳裡舌胎黃黑譫語神昏或熱入血室瘀血狂躁二便秘結者用以利之

大黃

製三兩

枯黃芩

七錢五分

枳實

一兩二錢五分

朴硝

五錢

厚朴

一兩二錢五分

蜜和爲細丸不拘時白滾湯吞服二三錢不刊再

服

滾痰丸 上可豁痰利膈下可滌穢通幽肺胃痰凝大

腸熱結飲食難進皆可通用不獨爲中風設也

沉香

礞石

硝煨透

枯芩

酒潤透炒

大黃

酒拌蒸黑爲度

水疊爲細丸不拘時白滾湯吞服一二錢以利爲度

中腑實症平劑主方

天麻 錢二

半夏

秦艽 各一錢五分

茯苓 錢一

牛膝 錢一

枳殼 炒 甘菊

黃芩 酒炒各五分

橘紅 錢一

甘草 二分 生薑 片一

早空心午後服

照前方去防風之辛枳實之苦胆星之燥加牛膝以滋肝血秦艽以搜肝風菊花黃芩清陽明之熱茯苓枳殼理脾胃之氣不瀉不補謂之平劑

中腑實症清補主方

天麻二錢

半夏製

當歸

秦艽各一錢五分

茯神

牛膝

橘紅各一錢

車前子

甘菊

各五分甘草二分

生薑片一

早空心臨睡服

照前方去枳壳之破氣加茯神當歸同牛膝以養血安神以秦艽甘菊搜風清火謂之清補兼服牛黃清心丸

牛黃清心丸

治體厚氣虛事冗心勞諸火內亢風痰

壅塞神昏氣亂眩暈肢麻等症